

水經注匯校卷三十三

江西新城楊希閔卧雲校本

後魏 酈道元 撰

江水

岷山在蜀郡氏道縣大江所出東南過其縣北

岷山即瀆山也水曰瀆水矣又謂之汶阜山在微外江水所導也益州記曰大江泉源即今所聞始發羊膊嶺下緣崖散漫小水百數殆未濫觴矣東南下百餘里至白馬嶺而歷天彭關亦謂之為天彭谷也秦昭王以李冰為蜀守冰見氏道縣有天彭山兩山相對其形如闕謂之天彭門亦曰天彭闕江水自此已上至微弱所謂發源濫觴者也漢元延中岷山崩壅江水三日不流揚雄反離騷云自岷

水經注匯校

卷三十三

一

山投諸江流以弔屈原名曰反騷也江水自天彭闕東逕汶關而歷氏道縣北漢武帝元鼎六年分蜀郡北部置汶山郡以統之縣秦始皇置後為昇遷縣也益州記曰自白馬嶺回行二十餘里至龍涸又八十里至蠶陵縣又南下六十里至石鏡又六十餘里而至北部始百許步又西百二十餘里至汶山故郡全云晉移汶山郡于綿乃廣二百餘步又西南百八十里至涇坂江稍大矣故其精則井絡纏曜江漢晒靈河圖括地象曰岷山之精上為井絡帝以會昌神以建福故書曰岷山導江泉流深遠盛為四瀆之首廣雅曰江貢也風俗通曰出珍物可貢獻釋名曰江共也小水流入其中所公共也東北百四十里曰崆山中江

所出東注于大江。崆山、邛崆山也。在漢嘉嚴道縣。一曰新道南山有九折坂。夏則凝冰，冬則毒寒。王陽按轡處也。平桓言是中江所出矣。郭景純江賦曰：流二江于崆崆。又東百五十里曰崆山。北江所出，東注于大江。山海經曰：崆山江水出焉，東注大江，其中多怪蛇。江水又逕汶江道，汶出徼外崆山，西至輪坂，下而南行，又東逕其縣而東注于大江。故蘇代告楚曰：蜀地之甲浮船于汶，乘夏水而下江，五日而至郢，謂是水也。又有湔水入焉，水出綿虎道，亦曰綿虎縣之玉壘山。呂忱曰：一曰半沔水也，下注江。江水又東別爲沱，開明之所鑿也。朱箋華陽國志七國時杜宇稱帝於蜀，號望帝，其相開明決玉壘山以除水害，帝遂禪位于開明。郭景純所謂玉壘作東別之標者也。縣卽

水經注匯校

卷三十三

二

汶山郡治劉備之所置也。渡江有竿橋江，水又歷都安縣。縣有桃關，漢武帝祠李冰，作大堰于此。壅江作棚棚，有左右口，謂之湔棚江。入郫江，檢江以行舟。益州記曰：江至都安堰，其右檢其左，其正流遂東。郫江之右也。因山頽水坐致竹木，以溉諸郡。又穿羊摩江灌江。案近刻脫穿字西于玉女房下白沙郵。案三字上近刻有于字，又作三石人立水中刻。訛在下句作三石人之下。要江神水竭不至，足盛不沒，肩是以蜀人旱則藉以爲溉，雨則不遏其流。故記曰：水旱從人，不知饑饉，沃野千里，世號陸海。謂之天府也。郵在堰上，俗謂都安之大堰亦曰湔堰。又謂之金堤。左思蜀都賦云：西踰金堤者也。諸葛亮北征以此堰農本國之所資，以征丁千二百人主護之。有堰

官益州刺史皇甫晏至都安屯觀坂從事何旅曰今所安
營地名觀坂上觀下反其徵不祥不從果爲牙門張和所
殺江水又逕臨邛縣王莽之監邛也縣有火井鹽水昏夜
之時光興上照江水又逕江原縣王莽更名邛原也鄩江
水出焉江水又東北逕郫縣下縣民有姚精者爲叛夷所
殺掠其二女二女見夢其兄當以明日自沈江中喪後日
當至可伺候之果如所夢得二女之尸于水郡縣表異焉
江水又東逕成都縣縣以漢武帝元鼎二年立縣有二江
雙流郡下故揚子雲蜀都賦曰兩江珥其前者也風俗通
曰秦昭王使李冰爲蜀守開成都兩江溉田萬頃江神歲
取童女二人爲婦冰以其女與神爲婚徑至神祠勸神酒

酒杯恒澹澹冰厲聲以責之因忽不見良久有兩鬍于
江岸旁有間冰還流汗謂官屬曰吾鬪大亟當相助也南
向腰中正白者我綬也主簿刺殺北面者江神遂死蜀人
慕其氣決凡壯健者因名冰兒也秦惠王二十七年遣張
儀與司馬錯等滅蜀遂置蜀郡焉王莽改之曰導江也儀
築成都以象咸陽晉太康中蜀郡爲王國更爲成都內史
益州刺史治地理風俗記曰華陽黑水惟梁州漢武帝元
朔二年改梁曰益州以新啓犍爲牂柯越巂州之疆壤益
廣故稱益云初治廣漢之雒縣後乃徙此故李固與弟囿
書曰固今年五十七鬢髮已白所謂容身而遊滿腹而去
周觀天下獨未見益州耳昔嚴夫子常言經有五涉其四

州有九遊其八欲類此子矣初張儀築城取上處去城十里因以養魚今萬頃池是也城北又有龍堤池城東有千秋池西有柳池西北有天井池津流徑通冬夏不竭西南兩江有七橋直西門郛江上曰冲治橋西南石牛門曰市橋吳漢入蜀自廣都令輕騎先往焚之橋下謂之石犀淵李冰昔作石犀五頭以厭水精穿石犀渠于南江命之曰犀牛里後轉犀牛二頭一頭在府市市橋門一頭沈之于淵也大城南門曰江橋橋南曰萬里橋西上曰夷星橋下曰竿橋南岸道東有文學始文翁爲蜀守立講堂作石室于南城永初後學堂遇火後守更增二石室後州奪郡學移夷星橋南岸道東道西城故錦官也言錦工織錦則濯

之江流而錦至鮮明濯以他江則錦色弱矣遂命之爲錦里也蜀有迴復水江神嘗溺殺人文翁爲守祠之勸酒不盡拔劍擊之遂不爲害江水東逕廣都縣漢武帝元朔二年置王莽之就都亭也李冰識察水脈穿縣鹽井江西有望川原鑿山崖度水結諸陂池故盛養生之饒卽南江也又從冲治橋北折曰長昇橋城北十里曰星僊橋閱案舊仍舊有送客觀司馬相如將入長安題其門曰不乘高車駟馬不過汝下也後入邛蜀果如志焉李冰沿水造橋上應七宿故世祖謂吳漢曰安軍宜在七橋連星間漢自廣都乘勝進逼成都與其副劉尙南北相望夾江爲營浮橋相對公孫述使謝豐揚軍市橋出漢後襲破漢墜馬落水緣

馬尾得出入壁命將夜潛渡江就尙擊豐斬之於是水之陰江北則左對繁田文翁又穿湔泲以溉灌繁田于七百頃湔水又東絕綿洛逕五城界至廣都北岸南入於江謂之五城水口斯爲北江江水又東至南安爲璧玉津故左思云東越玉津也

又東南過犍爲武陽縣青衣水沫水從西南來合而注之

縣故大夜郎國漢武帝建元六年開置郡縣太初四年益州刺史任安城武陽王莽更名郡曰西順縣曰戢成光武謂之士大夫郡有鄩江入焉出江原縣首受大江東南流至武陽縣注于江縣下江上舊有大橋廣一里半謂之安漢橋水盛歲壞民苦治功後太守李嚴鑿天社山尋江通

水經注匯校

卷三十三

五

道此橋遂廢縣有赤水下注江建安二十九年有黃龍見此水九日方去此縣藉江爲大堰開六水門用灌郡下北山昔者王喬所升之山也江水又與文井江會李冰所導也自荏道與濛溪分水至蜀郡臨邛縣與布僕水合水出徼外成都西沈黎郡漢武元封四年以蜀都西部邛荂邛案此十四字舛誤不可通當作漢武帝元鼎六年以蜀郡西部荂都置漢書武帝本紀可證不得繫之元封四年也又越嵩郡治邛都沈黎郡治荂都不得兼言邛荂明矣荂都卽旄牛縣亦曰旄牛道天漢四年罷沈黎郡置都尉仍治旄牛其縣隸蜀郡故城在今雅州府清溪縣南戴本作漢武帝元鼎六年以蜀郡西部荂都置理旄牛道閔案邛荂不得兼言荂卽理旄牛道天漢四年置都尉主外旄牛道則戴校爲合

羌在邛崃山表自蜀西度邛荂其道至險有弄棟八渡之難揚母閣路之阻水從縣西布僕來分爲二流一水逕其

道又東逕臨邛縣入文井水文井水又東逕江原縣縣濱
文井江江上有常氏堤跨四十里有朱亭亭南有青城山
山上有嘉穀山下有蹲鴟。卽芋也。所謂下有蹲鴟。至老不
饑。卓氏之所以樂遠徙也。文井江又東至武陽縣天社山
下入江其一水南逕越雋邛都縣西東南至雲南郡之青
蛉縣入于僕郡本雲川地也。蜀建興三年置僕水又南逕
永昌郡邪龍縣而與貧水合水出青蛉縣上承青蛉水逕
葉榆縣又東南至邪龍入于僕僕水又逕甯州建甯郡州
故康降都督屯故南人謂之屯下劉禪建興三年分益州
郡置歷雙柏縣卽水入焉水出秦臧縣牛蘭山南流至雙
柏縣東注僕水僕水閱按二字依戴趙本加又東至來唯縣入勞水

水經注匯校

卷三十三

六

水出徼外東逕其縣與僕水合僕水東至交州交趾郡蒼

冷縣案蒼原本及近刻竝訛作麓漢書今本亦訛說文云

零南流入于海江水自武陽東至彭亡聚昔岑彭與吳漢

溯江水入蜀軍次是地知而惡之會日暮不移遂爲刺客

所害謂之平模水亦曰外水此地有彭冢言彭祖冢焉江

水又東南逕南安縣西有熊耳峽連山競險接嶺爭高漢

河平中閱案河平依官本戴本舊刻及趙本均作和平按

河平漢成帝年號和平漢桓帝年號全氏云續漢

書五行志和平元年廣漢梓潼山崩非此山則作河平當是山崩地震江水逆流懸漑

有灘名壘坻亦曰鹽漑李冰所平也縣治青衣江會衿帶

二水矣卽蜀王開明故治也來敏本蜀論曰荆人斃令死
其尸隨水上荆人求之不得令至汶山下復生起見望帝

望帝者杜宇也。從天下女子朱利。全云按華陽國志是朱提女子朱利自江源出爲宇。妻遂王于蜀。號曰望帝。望帝立以爲相。時巫山峽而蜀水不流。帝使令鑿巫峽。通水蜀。得陸處望。帝自以德不若。遂以國禪。號曰開明。縣南有娥眉山。有濛水。卽大渡水也。水發蒙溪。東南流與泝水合。水出徼外。逕汶江道。呂忱曰。泝水出蜀。許慎以爲泝水也。出蜀汶江徼外。從水我聲。趙云漢志蜀郡青衣縣有泝水。泝乃泝之誤。卽禹貢之和夷也。和泝同音。道元故引說文以正之。南至南安。入大渡水。大渡水又東入江。故山海經曰。濛水出漢陽西。入江。灂陽西。全云灂陽西三字不可。曉郭注亦無說。又東南過夔道縣北。若水淹水合。從西來注之。又東渚水北流注之。

水經注匯校

卷三十三

七

縣本夔人居之。地理風俗記曰。夷中最仁。有仁道。故字從人。秦紀所謂夔僮之富者也。其邑高。后六年。城之。漢武帝感相如之言。使縣令南通夔道。費功無成。唐蒙南入。斬之。乃鑿石開閣。以通南中。迄于建甯。二千餘里。山道廣丈餘。深三四丈。其鑿鑿之迹。猶存。王莽更曰夔治也。山多猶。似猴而短足。好遊巖樹。一騰百步。或三百丈。順往。倒返。乘空若飛。縣有蜀王兵。蘭其神。作大難。江中崖峻。阻險不可穿。鑿李冰乃積薪燒之。故其處懸巖。猶有五色焉。赤白照水。玄黃魚從夔來。至此而止。言畏崖嶼。不更上也。益部耆舊傳曰。張真妻黃氏女也。名帛。真乘船覆沒。求尸不得。帛至沒處。灘頭仰天而歎。遂自沈。淵積十四日。帛持真手于

灘下出時人爲說曰符有先絡。夔道有張帛者也。江水又與符黑水合水出甯州南廣郡南廣縣故犍爲之屬縣也。漢武帝太初元年置劉禪延熙中分以爲郡導源汾關山北流有大涉水注之水出南廣縣北流注符黑水又北逕夔道入江謂之南廣口渚水則未聞也。

又東過江陽縣南洛水從三危山東過廣魏洛縣南東南注之。

洛水出洛縣漳山亦言出梓潼縣柏山山海經曰三危在燉煌南與崑崙山相接山南帶黑水又山海經不言洛水所導經曰出三危山所未詳常璩云李冰導洛通山水流發瀑口逕什邡縣漢高帝六年封雍齒爲侯國王莽更名曰

水經注匯校 卷三十三

美信也洛水又南逕洛縣故城南廣漢郡治也漢高祖之爲漢王也發巴渝之士北定三秦六年乃分巴蜀置廣漢郡于乘鄉王莽之就都縣曰吾雒也漢安帝永初二年移治涪城後治洛縣先是洛縣城南每陰雨常有哭聲聞于府中積數十年沛國陳寵爲守以亂世多死亡暴骸不葬故也乃悉收葬之哭聲遂絕劉備自將攻洛龐士元中流矢死于此益州舊以蜀郡廣漢犍爲爲三蜀土地沃美人士雋又一州稱望縣有沈鄉去江七里姜士遊之所居詩至孝母好飲江水嗜魚膾常以雞鳴遡流汲江子坐取水溺死婦恐姑知稱託遊學冬夏衣服寔投江流趙云據後漢書姜詩除江陽令卒于官溺死者詩之子今云詩死稱詩游學文義寔爲乖爽于是至孝上通涌泉

出其舍側而有江之甘焉詩有田濱江澤鹵泉流所溉盡
為沃野又湧泉之中旦旦常出鯉魚一雙以膳焉可謂孝
梯發于方寸微美著于無窮者也洛水又南逕新都縣蜀
有三都謂成都廣都此其一焉與綿水合水西出綿竹縣
又與湔水合亦謂之郫江也又言是涪水呂忱曰一日湔
然此二水俱與洛會矣又逕犍為牛鞞縣為牛鞞水昔羅
尙乘牛鞞水東征李雄謂此水也縣以漢武帝元封二年
置又東逕資中縣又逕漢安縣案原本及近刻並訛作安漢縣今改正攷安漢今為順慶府之南充縣及蓬州非綿水所逕綿水由資中漢安
江陽入江資中故城在今資州資陽縣北漢安故城在今瀘州江安縣東江陽故城即今瀘州治然則當作漢安明甚謂之綿水也自上諸縣咸
以溉灌故語曰綿洛為沒沃也綿水至江陽縣方山下入

水經注匯校

卷三十三

江謂之綿水口亦曰中水江陽縣枕帶雙流據江洛會也

漢景帝六年封趙相蘇嘉為侯國江陽郡治也故犍為枝

江都尉建安十八年劉璋立案此二十字原本及近刻並訛在後蠶桑魚鹽家有焉之

下又枝訛作岐攷華陽國志江陽郡本犍為枝江都尉建安十八年劉璋立郡江陽縣郡治漢安縣郡東五百里然則此條不得係之漢安江中有大關小關焉季春之月則

下明係錯簡今改正黃龍堆沒闕乃平也昔世祖微時過江陽縣有一子望氣

者言江陽有貴兒象王莽求之而獠殺之後世祖怨為子

立祠于縣謫其民罰布數世揚雄琴清英曰尹吉甫子伯

奇至孝後母譖之自投江中衣苔帶藻忽夢見水仙賜其

美藥思惟養親揚聲悲歌船人聞之而學之吉甫聞船人

之聲疑似伯奇援琴作子安之操江水逕漢安縣北縣雖

迫山川土地特美蠶桑魚鹽家有焉江水東逕樊石灘又逕大附灘頻歷二險也

又東過符縣北邪東南鰭部水從符關東北注之

縣故巴夷之地也漢武帝建元六年以唐蒙為中郎將從萬人出巴符關者也元鼎二年立王莽之符信矣縣治安樂水會水源南通甯州平夷郡龍縣北逕安樂縣界之東又逕符縣下北入江縣長趙祉遣吏先尼和以永建元年十二月詣巴郡沒死成湍灘子賢求喪不得女絡年二十五歲有二子五歲以還至二年二月十五日尙不得喪絡乃乘小船至父沒處哀哭自沈見夢告賢曰至二十一日與父俱出至日父子果浮出江上郡縣上言為之立碑以

水經注匯校

卷三十三

旌。孝。誠。也。其鰭部之水所未聞矣或是水之殊目非所究也

又東北至巴郡江州縣東强水涪水漢水白水宕渠水五水合南流注之

强水即羌水也宕渠水即潛水渝水矣巴水出晉昌郡宣

漢縣巴嶺山郡隸梁州晉太康中立治漢中

案華陽國志云魏咸熙元年平蜀始分益州巴漢七郡置梁州治漢中縣南去郡八百餘里故屬巴渠西

南流歷巴中逕巴郡故城南李嚴所築大城北西南入江庚仲雍所謂江州縣對二水口右則涪內水左則蜀外水即是水也江州縣故巴子之都也春秋桓公九年巴子使韓服告楚請與鄧好是也及七國稱王巴亦王焉秦惠王

遣張儀等救苴侯于巴儀貪巴苴之富因執其王以歸而置巴郡焉治江州漢獻帝初平元年分巴爲三郡于江州則永甯郡治也至建安六年劉璋納蹇允之訟復爲巴郡以嚴顏爲守顏見先主入蜀歎曰獨坐窮山放虎自衛此卽拊心處也漢世郡治江州巴水北北府城是也後乃徙南城劉備初以江夏費觀爲太守領江州都督後都護李嚴更城周十六里造蒼龍白虎門求以五都爲巴州治丞相諸葛亮不許竟不果地勢側險皆重屋累居數有火害又不相容結舫水居者五百餘家承二江之會夏水增盛壞散顛沒死者無數縣有官橘官荔枝園夏至則熟二千石常設厨膳命士大夫共會樹下食之縣北有稻田出御

米也縣下又有清水穴巴人以此水爲粉則皜曜鮮芳貢粉京師因名粉水故世謂之爲江州墮林粉粉水亦謂之爲粒水也江之北岸有塗山南有夏禹廟塗君祠廟銘存焉常璩庾仲雍竝言禹娶于此余按羣書咸言禹娶在壽春當塗不于此也

又東至枳縣西延江水從牂柯郡北流西屈注之

江水東逕陽關巴子梁江之兩岸猶有梁處巴之三關斯爲一也延熙中蜀車騎將軍鄧芝爲江州都督治此江水又東右逕黃葛峽山高險全無人居江水又左逕明月峽東至梨鄉歷雞鳴峽江之南岸有枳縣治華陽記曰枳縣在江州巴郡東四百里治涪陵水會庾仲雍所謂有別江

出武陵者也。水乃延江之枝津，分水北注，逕涪陵入江。故亦云涪陵水也。其水南導武陵郡。昔司馬錯泝舟，此水取楚黔中地，延熙中鄧芝伐徐巨射，玄援于是縣，援自拔矢卷木葉塞射，創芝歎曰：傷物之生，吾其死矣。江水又東逕涪陵故郡北，後乃并巴郡，遂罷省。江水又東逕文陽灘，險難上。江水又東逕漢平縣二百餘里。案漢平縣屬涪陵郡左自陪陵東出百餘里而屆於黃石，東爲桐柱灘。又逕東望峽，東歷平都峽，對豐民洲。舊巴子別都也。華陽記曰：巴子雖都江州，又治平都，卽此處也。有平都縣，爲巴郡之隸邑矣。縣有天師治，兼建佛寺，甚清靈。縣有市肆，四日一會。江水右逕虎鬚灘，灘水廣大，夏斷行旅。江水又東逕臨江縣南，王

水經注匯校

卷三十三

三

莽之監江縣也。華陽記曰：縣在枳東四百里，東接胸忍縣，有鹽官，自縣北入鹽井溪，有鹽井，營戶溪水沿注江。江水又東得黃華水口，江浦也。左逕石城南，庾仲雍曰：臨江至石城黃華口一百里。又東至平洲洲上，多居民。又東逕壤塗而歷和灘。又東逕界壇，是地巴東之西界，益州之東境，故得是名也。

又東過魚復縣南，夷水出焉。

江水又東，右得將龜溪口。華陽記曰：胸忍縣出靈龜，咸熙元年獻龜于相府，言出自此溪也。江水又東，會南北集渠，南水出涪陵縣界，謂之陽溪，北流逕巴東郡之南浦，僑縣西溪，硤側鹽井三口，相去各數十步，以木爲桶，徑五尺，修

煮不絕溪水北流注于江謂之南集渠口亦曰于陽溪口
北水出新浦縣北高梁山分溪南流逕其縣西又南百里
至胸忍縣南入于江謂之北集渠口別名班口又曰分水
口胸忍尉治此江水又東右逕汜溪口蓋江汜決入也江
水又東逕石龍而至于博陽二村之間有盤石廣四百丈
長六里阻塞江川夏沒冬出基亘通渚又東逕羊腸虎臂
灘楊亮爲益州至此舟覆懲其波瀾蜀人至今猶名之爲
使君灘江水又東彭水注之水出巴渠郡獠中東南流逕
漢豐縣東清水注之水源出西北巴渠縣東北巴嶺南狝
中卽巴渠水也西南流至其縣又西入峽檀井溪水出焉
又西出峽至漢豐縣東而西注彭溪謂之清水口彭溪水

又南逕胸忍縣西六十里南流注于江謂之彭溪口汜水
又東右逕胸忍縣故城南常璩曰縣在巴東郡西二百九
十里縣治故城跨其山阪南臨大江江之南岸有方山山
形方峭枕側江濱江水又東逕瞿巫灘卽下瞿灘也又謂
之博望灘左則湯溪水注之水源出縣北六百餘里上庸
界南流歷縣翼帶鹽井一百所巴川資以自給粒大者方
寸中央隆起形如張繖故因名之曰繖子鹽有不成者形
亦必方異于常鹽矣王隱晉書地道記曰入湯口四十三
里有石煮以爲鹽石大者如升小者如拳煮之水竭鹽成
蓋蜀火井之倫水火相得乃佳矣湯水下與檀溪水合水
上承巴渠水南歷檀井溪謂之檀井水下入湯水湯水又

南入于江名曰湯口。江水又逕東陽灘。江上有破石，故亦通謂之破石灘。荀延光沒處也。常璩曰：水道有東陽下瞿。數灘山有大小石城，勢靈壽木及橘園也。故地理志曰：縣有橘官，有民市。全云末三字乃酈所自云，非引班志也是篇上下多記市集。江水又逕魚復縣之故陵。舊郡治故陵溪西二里，故陵村溪卽永谷也。地多木瓜樹，有子大如鰕，白黃寔甚芬香，爾雅之所謂楸也。江水又東爲落牛灘，逕故陵北江側有六大境，庾仲雍曰：楚都丹陽所葬亦猶枳之巴陵矣，故以故陵爲名也。有魚復尉，戍此江之左岸，有巴鄉村，村人善釀，故俗稱巴鄉清郡。出名酒，村側有溪，溪中多靈壽木，中有魚，其頭似羊，豐肉少骨，美于餘魚。溪水伏流，逕平頭山，內通南浦，故

水經注匯校

卷三十三

古

縣陂湖，其地平曠，有湖澤中，有菱芡，鰕雁不異外江。凡此等物皆入峽，所無地，密惡蠻不可輕至。江水又東，石逕夜清而東，歷朝陽道，口有縣治，治下有市，十日一會。江水又東，左逕新市里，南常璩曰：巴舊立市于江上，今新市里是也。江水又東，右合陽元水，水出陽口縣西南高陽山，山東東北流，逕其縣南，東北流，丙水注之，水發縣東南柏枝山，山下有丙穴，穴方數丈，中有嘉魚，常以春末遊渚，冬初入穴，抑亦褒漢丙穴之類也。其水北流入高陽溪，溪水又東北流，注于江，謂之陽元口。江水又東，逕南鄉峽，東逕永安宮南，劉備終于此，諸葛亮受遺處也。其間平地可二十許里，江山迴闊，入峽所無，城周十餘里，背山面江，頽墉四毀，荆

棘成林左右民居多墾其中江。水又東逕諸葛亮圖壘南石磧平曠望兼川陸有亮所造八陣圖。何云漢中夔州東皆有八陣圖跨故壘皆累細石爲之自壘西去聚石八行行間相去二丈因曰八陣既成自今行師庶不覆敗皆圖兵勢行藏之權自後深識者所不能了今夏水漂蕩歲月消損高處可二三尺下處磨滅殆盡江水又東逕赤岬城西是公孫述所造因山據勢周迴七里一百四十步東高二百丈西北高千丈南連基白帝山甚高大不生樹木其石悉赤土人云如人袒胛故謂之赤岬山淮南子曰徬徨于山岬之旁注曰岬山脅也郭仲產曰斯名將因此而興矣江水又東逕魚復縣故城南。案攷注叙江水西來所逕至此乃經所謂東過魚復縣南也故魚國

也春秋左傳文公十六年庸與羣蠻叛楚莊王伐之七遇皆北惟裨儵魚人逐之是也地理志江關都尉治公孫述名之爲白帝取其王色蜀章武二年劉備爲吳所破改白帝爲永安巴東郡治也漢獻帝興平元年分巴爲二郡以魚復爲故陵郡蹇胤訴劉璋改爲巴東郡治。何云華陽國志趙穎建議分巴爲三郡穎欲得巴舊名故白益州牧劉璋以墊江以上爲巴郡龐羲爲太守江州至臨江爲永甯郡胸臆至魚復爲固白帝山城周迴二百八十步北緣馬嶺接赤岬山其間平處南北相去八十五丈東西七十丈又東傍東灤溪卽以爲隍西南臨大江關之眩目惟馬嶺小差委迤猶斬山爲路羊腸數四然後得上益州刺史鮑陋鎮此爲譙道福所圍城裏無泉乃南開水門鑿石爲函道上施木天

公。沈氏大成云陶隱居直下至江中有似猿臂相牽引汲

然後得水。水門之西江中有孤石為淫預石冬出水二十

餘丈夏則沒亦有裁出處矣。縣有夷溪即佷山清江也。經

所謂夷水出焉。江。水又東逕廣溪峽。斯乃三峽之首也。其

間三十里。頽巖倚木。厥勢殆交。北岸山上有神淵。淵北有

白鹽崖。高可千餘丈。俯臨神淵。土人見其高白。故因名之。

天旱。燃木岸上。推其灰燼下。穢淵中。尋即降雨。常璩曰。縣

有山澤水神。旱時鳴鼓。請雨則必應。嘉澤蜀都賦所謂應

鳴鼓而興雨也。峽中有瞿塘黃龕。二灘。夏水迴復沿沔所

忌。瞿塘灘上有神廟。尤至靈驗。刺史二千石。徑過皆不得

鳴角伐鼓。商旅上水。恐觸石有聲。乃以布裹篙足。今則不

水經注匯校 卷三十三

能爾。猶響薦不輟。此峽多。援援不生。北岸非惟一處。或有
取之。放著北山中。初不聞聲。將同狝獸。渡汶而不生矣。其
峽蓋自昔禹鑿以通江。郭景純所謂巴東之峽。夏后疏鑿
者也。何云下文又以三峽為杜宇所鑿

